



Vita de ploania y de paisc

- **Sontada dal consei pastoral en jöbia ai 25 de iener, ales 20:00 te calogna.**
Al gnará baié de: patrozino, Carsema.
- **Ofertes** - tal pröm mez ann 2018 **mess gní menades demez** cöstes ofertes:

04.03. patronat-KVV	08.04. fonds de solidarietá dal clero
11.03. Kassian-Tschiederer Werk	15.04. l'Universitá Catolica de Milan
30.03. oferta de Carsema "Misereor"	24.06. obolo de San Pire

Dötes les atres romagn ala dlíja.
- **Stödafüs:** le grup dai Stödafüs d'La Pli oress ringrazié por les ofertes co é gnüdes fates por le calender. Der bel iolan!



enformaziuns y termins

Dis de preparaziun al maridé: le fin dal edema, sabeda ai 7 y domegna ai 8 d'aorí, vegnel motü a jí i dis de preparaziun al maridé tal Zënter dla Jonëza y Cultura SaJ.un a La Ila. Le curs metará man la sabeda ales 9:00 y se röará la domegna ales 16:00. Le cost é de € 150,00 a per (curs + 2 iadi marena). Le curs sará por ladin a denfora dla pert dla dr. Gaia Mureda, co sará por talian y todesch. Al pó tó pert alplü 18 per. I referenc sará Lois Kastlunger (coordinadú), Christian Pedevilla (avocat), Gaia Mureda (efom y consulenta) y Signor Tone Fiung (preo y assistënt spiritual dles families). Iscriziun te Sorvisc ai Jogn cina la jöbia, ai 29 de merz, ☎ 0474 523070.

Raiun sozio sanitar/1: "L'aministradú de sostegn – Der Sachwalter, na porsona co pó daidé te n gröm de caji": sera de informaziun con la vicara dot.a Ulrike Ceresara dal Tribunal Provinzial da Balsan en dedolönesc ai 23 de iener, ales 18.00 te Raiun Sozial Val Badia a Picolin. L'aministradú de sostegn deida porsones co n'é daldöt o en pert nia bones da fá da sores, ince pa cosses dla vita da vigne de y co adora sostegn, desco te caji de demenza p.ej. pro l'aministraziun dal patrimonie o da fá domandes al'aministraziun publica o sanitar o pro afars de banca. Düc é enviés.

Raiun sozio sanitar/2: l'ofize dla Portina por l'assistenza y cura é sen tla alzada a tera sön la man ciampa da jí ete dlungia la portina da tó jö sanch y é daverta ma plü **dui iadi al'edema:** le lönesc dales 13:30 ales 16:00 y la jöbia dales 9:30 ales 12:00, ☎ 0474 586123.

Döt le bun a:	Agnese Terza	* 21.01.1931
	Paul Feichter, <i>La Ila</i>	* 25.01.1937
	Maria Maneschg ved. Comploi	* 26.01.1929
	y a düc chi co á santennom y compless i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania

La Pli de Mareo

Santa Maria dal Bun Consei

Ploian: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann B

21.01.2018 - 3. domegna ia por l'ann

n. 8

Le regn de Dio é dampró, dede ota y cherdede al vagnelo!

📖 Iona 3, 1–5.10 | 1 Cor 7, 29–31 | Mc 1, 14–20


Dal Vangelo do San Merch:

¹⁴Do ch'an â sciüré Jan Batista te porjun, é Gejú endò jü tla Galilea encündenn le vangelo de Dio ¹⁵y dijea: Le tomp é complí, le regn de Dio é dampró. Dede ota y cherdede al vangelo! ¹⁶Canche Gejú passâ söla spona dal le de Galilea, ál odü Scimun y André, le fre de Scimun, co sciürâ fora les reis tal le; ai ea peiapesc. ¹⁷Y al ti á dit: Gnidemo do! I fajará fora de os pesciadus de jont. ¹⁸Atira ái lascé danló söes reis y ti é jüs do. ¹⁹Canch'al ea jü n toch ennant, ál odü laco, le fi de Zebedeus, y so fre Jan; ai ea te barca y arjignâ ca söes reis. ²⁰Atira i ál cherdé, y ai á lascé so pere Zebedeus con sü orás tla barca y ti é jüs do a Gejú.

Oraziun dal de

Periun! Dio onipotent y etern, arvenn nostes aziuns do töa orenté: y fá ch'i portunse, tal ennom de to Fi bunorü, trec früc de de bones opres. Do cösc te periunse tres el, to Fi Gejú Crist, co é Dio y vir y regneia con te t'l'unité dal Spirit Sant por düc i secui dai secui. – Amen.

(Lezionar B)



📖 *Letöres dla 4. domegna ia por l'ann:*

Deut 18, 15–20 | 1 Cor 7, 32–35 | Mc 1, 21–28

Edema liturgica dai 21.01. ai 28.01.2018

DOM 21.	3. domegna ia por l'ann Domegna dla Bibia	<i>Agnes, Ines, Meinrad</i>
08:30 10:00	gran messa por dōta la ploania <i>s.m. a Al Plan</i>	<i>oferta por i debojūgns dla ploania</i>
Lön 22. 07:30	<i>Vinzenz, Walter, Teodolinda</i> <i>s.m. a Al Plan</i>	
Ded 23. 07:30	<i>beat Heinrich Seuse, Eugen</i> s.m. por † signor Merch Graffonara, ploan s.m. por † signor Fonjo Clara s.m. por †† Angela y Rita Willeit, Cianoré	
Dem 24. 18:00	<i>Francesch da Sales, Vera, Arno</i> <i>s.m. a Al Plan</i>	
Jöb 25. 19:30	fešta dla Converjiun de San Paul, Susanna s.m. por †† Mühlmann, Baldessé s.m. por † Anna Mühlmann ved. Ploner, Framacia s.m. por † Jep Rovara, Aroth/Plans	
Ven 26. 07:10	<i>Timoteus y Titus, Paula</i> <i>s.m. a Al Plan</i>	
Sab 27. 18:00 19:30	<i>Sabeda de Santa Maria Angela Merici, Iulian, Manfred, Rosalia</i> <i>s.m. prefestia a Al Plan</i> s.m. prefestia por †† Pasquale Winkler y Josef Kosta s.m. por †† Sandro y Clementina Winkler y Iudita Elliscases s.m. por † Susanna Mühlmann, Baldessé s.m. por †† Germano y Maria Frontull, Mareo	
DOM 28.	4. domegna ia por l'ann FESTA de Sant'Ujöp da Oies domegna dai mass-media	<i>Tomesc d'Aquino, Carlo le Gran, Carolina</i>
08:30 10:00	gran messa ciantada en onú de Sant Ojep da Oies por dōta la ploania <i>s.m. a Al Plan</i>	<i>oferta por i debojūgns dla ploania</i>
<i>ampola:</i>	por fam. Paul y Paula Palfrader, lun	
<i>ministronc:</i>	▶ da doman y domegna: Laura y Miriam Palfrader ▶ da sera y domegna: Carolin Willeit y Anita Brandlechner	
<i>i recordun:</i>	Florian Baldissera	+ 22.01.2016



Reis ötes, cör plen (Mc 1, 14–20)

I ponsi do

Gejú met man söa misciun:
anunzié le vangelo.
Al á debjūgn de ei co ti va do
y co se met a so sorvisc por
porté ennant l'opera.
Al se chir fora i pröms
discepu: jont umila y sciompla,
mo desponibla.
Ince encö cherda le Signur
porsones a dé ca söa vita por
le vangelo y al sorvisc dai
fredesc. La resposta mess
ester sonziera y pronta.

I preii ensciö

Gejú, sce iu foss sté sön che spona dal le:
i ne sa nia sc'i ess ben lascé döt cant,
con na te' prescia y tan de entusiasim y
zonga bazilé.
Sogü, al foss sté döt en n'atra cossa:
t'odei de porsona, aldí töa usc dal ví, odei
che te mo ciales tai edli. Encö mo stonti,
te mio picio monn, da te dí de sciö, canche
te mo cherdes al'Eucaristia, al'oraziun,
a aldí töa parora, o ince a fá val' picio
sorvisc o a mo tó dlaorela por mi fredesc.
Fá ch'i ái plü coraji y ch'i ne ponsi nia
bendio sora canch'ara se trata da lascé
mies cosses por ti fá lerch a te te mia vita.

Walter Cazzaniga, Parola amica – Il Vangelo della domenica per ragazzi



Domegna dla Bibia



Al é porsones co n'adora nia la Sacra Scritōra,
mo iu l'adori por capí da olach'i vegni adalerch
y da che ch'i pó cialé confort.

I l'adori por avei tal monn n funz sot i pîsc,
por sei ch'al n'é Önn sora me y ch'al á val' da
mo dí y por sei ince olache mio iade se rōa. (S)

Funziuns en onú de Sant Ujöp Frëinademetz a Badia y Oies



en domegna ai 28 de iener:

- ales **10:00** santa messa a **San Linert**, al zebleireia le vesco Francesco Sarego SVD, al cianta le cor de dljia de Badia;
- ales **16:00** santa messa a **Oies**, al zebleireia le vesco Francesco Sarego SVD, al cianta le cor de dljia da Lungiarü.

en lönesc ai 29 de iener:

- ales **16:00** santa messa a **Oies**, al zebleireia siur Franz-Josef Campidell, al cianta n quartet da San Martin;
- ales **20:00** santa messa a **Oies**, al zebleireia le degan signor Iaco Willeit, al cianta le cor de dljia da La Val.